



Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 20. Neapolitanorum seditio adversus Ferdinandum Regem.

[urn:nbn:de:hbz:466:1-67025](https://nbn-resolving.de/urn:nbn:de:hbz:466:1-67025)

rem infelix nuncius, quo percepit, to- Sæcul. XV.
A.C. 1495.
tam suam supellectilem a Capuanis dire-
ptam, Virginium ab Ursinis, ac Comi-
tem Petilianum, longe omnium amico-
rum carissimos ad Carolum Regem dese-
cisse: nil tamen magis vehementi dolore
excruciabat Ferdinandi animum, quam
Trivulcii perfidia, quem ad tantum sce-
lus projectum fovere animum, nunquam
credidisset: Tot ergo molestissimarum
cogitationum concursu tantopere obrutus,
atque invasus opprimebatur, ut hinc com-
plurium proditorum metu, illinc proxi-
mo Gallorum incursu compulsus, præci-
piti fuga, omnique pedum studio Nea-
polim reverteretur, quamvis probe con-
scius esset, nec ibi se quieti indulgere
posse, donec de Capuanorum fato, ac
molimine certior redderetur.

§. XX.

*Neapolitanorum seditio adversus Fer-
dinandum Regem.*

Nec inanis erat Ferdinandi timor; vix Guicc. hist.
enim urbem attigerat, cum ei nun- Ital. lib. I.
ciatum esset, a Neapolitanis, & Aver- sub. fin.
sensibus ad Carolum Regem Legatos fui- Albinus de
se missos, qui eidem obsequium sponde- bello gall.
rent; præterea civium seditio eo tempo- I. I. p. 132.
ris momento, quo urbem ingressus est,
recruduit, quam ut sedaret, frustraneo
succes-
ta.

Sæcul. XV. successu præcipuos cives convocabit,
A.C. 1495. eisque exposuit, quod armorum societas, quæ haud amplius secreta tenebatur, jamjam sancta foret, necnon certissime, ac brevi, si exiguo duntaxat tempore strenue urbem tuerentur, validæ omnino suppetiæ in eorum auxilium essent accursuræ; post hæc acerbum Patris, avique sui regimen detestatus, illis pollicitus est, se lenitate ac clementia populi amorem denuo sibi conciliaturum; cum vero cives palam profiterentur, nolle se suaque extremæ Gallorum vi, atque periculo exponere, Ferdinandus tanto, quo subditos imperii severitate coercere posset, militum numero destitutus, nec in alterutra urbis arce securitati suæ satis consultum fore ratus, teste Guicciardino civibus indulxit, ut de concordia cum Galliarum Rege agerent, eosque a fidei sacramento paucis ante diebus sibi præstito absolvit, ac demum clientelæ, atque obsequiis, quæ a subditis suis jure exigere potuisset, ultro cessit, & unicum Joanna sua filia, ac Regina Avi sui olim conjugे triremes, quas in portu ad trajiciendum instructas tenebat, consendit: ceteras vero naves, quæ ibidem in anchoris hærebant, comburi jussit, ne ab hostibus occuparentur. Denique omnes in aree quadam custodiæ dari jussérat,

ex-



exceptis Rosciano Principe, & Comite Sæcul. XV.
Popoli, liberos dimisit, ipse vero urbe A.C. 1495.
excedere statuit, navibusque se commisit.

§. XXI.

Ferdinandus Ischiam secedens.

Igitur consensis triremibus in Ænariam
Insulam, quæ Ischia vulgo dicitur, at-
que ad oram regni Neapolitani trigesimo ab urbe lapide sita est, secedit, haud cit. *Albinus loc.*
parum anxius, an ab arcis Praefecto re-
cipetur; timebat enim, ne forte & ip-
se in hac rerum vicissitudine Regi suæ
fidei officium denegaret. Nec sane te-
meraria erat Ferdinandi suspicio; Praefe-
ctus enim nomine *Fusius*, veteranus mi-
les, ac amplissimis divitiis potens, cum
a Rege Neapolitano illis spoliari verere-
tur, eum excipere renuit, nisi solus, aut
non nisi uno comite stipatus accederet.
Rex, inde maris intemperie agitatus,
illinc securitatis necessitate compulsus,
non abnuit conditionem; ast vix arcem
ingressus, tantæque perfidiæ indignita-
te commotus, præditorem invadit, il-
lumque, ut nonnulli referunt Scriptores,
gladio jugulat; hujus suppicio territi mi-
litæ præsidiarii Regi suo totius Insulæ
possessionem asseruerunt, atque illius ob-
sequio sese subjecerunt.

§. XXII.